

Na osnovu člana 72. Zakona o javnim nabavkama („Službeni glasnik BiH“, br. 39/14, 59/22 i 50/24), a nakon provedenog postupka javne nabavke putem Aneksa II Zakona o javnim nabavkama, zaključen je:

**U G O V O R**  
**za pružanjem usluga organizacije događaja povodom obilježavanja**  
**Evropske sedmice u BiH**

**Između:**

**1. Bosna i Hercegovina, Vijeće ministara Bosne i Hercegovine, Direkcija za evropske integracije, Đoke Mazalića broj 5, koju zastupa direktorica Elvira Habota, (u daljem tekstu: Ugovorni organ)**

**i**

**2. VELES d.o.o. Banja Luka, ul. Jovana Dučića broj 37, koga zastupa direktor Branko Borojević (u daljem tekstu: Pružalac usluga)**

**Član 1.**

(1) Predmet ovog ugovora je pružanje usluga organizacije događaja povodom obilježavanja Evropske sedmice u BiH, za potrebe Direkcije za evropske integracije, po osnovu provedenog postupka javne nabavke putem Aneksa II Zakona o javnim nabavkama, po ukupnoj cijeni ponude u iznosu od 34.560,00 KM bez PDV-a.

(2) Pružanje predmetnih usluga obuhvata organizaciju događaja povodom obilježavanja Evropske sedmice u BiH, koje organizuje Direkcija za evropske integracije, u Trebinju dana 07.05.2026. godine i u Sarajevu dana 08.05. i 09.05.2026. godine.

**Član 2.**

Sastavni dio ovog ugovora je ponuda pružaoca usluga od dana 01.04.2026. godine, sačinjena prema pozivu za dostavu ponuda, sa svim karakteristikama vezanim za pružanje usluga koje ponuđač nudi, u skladu sa tehničkom specifikacijom i zahtjevima ugovornog organa, u kojoj su jasno i pregledno iskazane jedinične i ukupne cijene za sve tražene usluge, sa uključenim svim pripadajućim troškovima i obavezama pružaoca usluga prema ugovornom organu.

**Član 3.**

(1) Pružalac usluga se obavezuje na nepromjenjivost ponuđenih cijena tokom cijelog ugovorenog perioda.

(2) Pružalac usluga se obavezuje da će nakon izvršenih usluga, uz originalnu fakturu, dostaviti dokumentaciju kao dokaz o uredno izvršenoj usluzi u skladu sa ponudom od dana 01.04.2026. godine.

(3) Dostavljena dokumentacija mora sadržavati sve relevantne podatke o pruženoj usluzi, uključujući naziv događaja, mjesto, vrijeme, datum i broj učesnika, kao i dokaze o izvršenim uslugama u skladu sa tehničkom specifikacijom i prihvaćenom ponudom.

(4) Pružalac usluga se obavezuje da usluge koje nisu izvršene u skladu sa ponudom neće fakturisati Ugovornom organu.

(5) U slučaju da dostavljena dokumentacija nije potpuna ili ne odgovara ugovorenim obavezama, Ugovorni organ ima pravo zahtijevati ispravke prije plaćanja.

(6) Pružalac usluga se obavezuje da iznos ispostavljene fakture neće biti veći od ukupno ugovorene cijene.

(7) Ugovorni organ će izvršiti plaćanje po primljenoj originalnoj fakturi u roku od 15 dana od dana njene dostave.

#### Član 4.

(1) Pružalac usluga se obavezuje da će usluge izvršiti u skladu sa zahtjevima Ugovornog organa te da će odmah postupiti po eventualnim primjedbama Ugovornog organa u pogledu nedostataka u kvalitetu pruženih usluga.

(2) Ugovorni organ je dužan dostaviti pisano obavještenje o svakom navodnom propustu pružaoca usluga po ovom ugovoru.

(3) Ugovorni organ će utvrditi razuman rok za otklanjanje propusta pružaoca usluga u vezi s pruženim uslugama.

#### Član 5.

1) Ovaj Ugovor se može raskinuti na osnovu sporazuma ugovornih strana.

2) Ovaj Ugovor može se raskinuti i jednostrano i to iz sljedećih razloga.

a) u slučaju da druga ugovorna strana ne ispunjava obaveze iz ugovora u utvrđenim rokovima i na utvrđeni način;

b) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana;

c) drugih razloga u skladu sa važećim zakonima.

3) Ugovorna strana koja pokreće postupak za raskid ugovora iz razloga navedenih u stavu (2) ovog člana ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza, sa dodatnim rokom za ispunjenje tih obaveza.

4) Dodatni rok iz prethodnog stava ovog člana Ugovora ne može biti duži od 15 (petnaest) dana. U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, i ni u dodatno ostavljenom roku ne ispuni svoje obaveze iz ugovora, ovaj Ugovor će se smatrati raskinutim.

#### Član 6.

Pružaoцу usluga se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi zahtjeva za dostavu ponuda, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

#### Član 7.

(1) Ovaj ugovor zaključuje se do izvršenja usluga koje su predmet nabavke, a najduže do 30.06.2026. godine.

(2) Ovaj ugovor stupa na snagu danom potpisivanja.

#### Član 8.

Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

**Član 9.**

Na ostala prava i obaveze ugovornih strana, koje nisu regulisane ovim Ugovorom, će se primjenjivati odredbe Zakona o obligacionim odnosima.

**Član 10.**

Ovaj Ugovor je sačinjen u 4 (četiri) primjerka, od kojih svaka ugovorna strana zadržava po 2 (dva) primjerka, za svoje potrebe.

**Pružalac usluga  
Direktor  
Branko Borojević**



*Branko*

Broj: 18/26  
Datum: 29.04.2026.

**Ugovorni organ  
Direktorica  
Elvira Habota**



Broj: 05-74-16-4-TB-27-20/26  
Datum: 29.04.2026.g. *ELVIRA*